

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第五四二號

據

明·郭子章撰
明天啓四年刊本

影印

浙江省

明州阿育王山志略

(全)



100/03

成文出版社有限公司印行



10101708

中華民國七十二年三月臺一版

明州阿育王山志略

全一冊

發行人：黃

成

助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

明州阿育王山志序

余生平事佛率以名理取勝多採諸最上乘門與吾靈臺有所發明者而雅尚之至於一切報應因果等說皆置而弗問中年宦轍四方多更事故凡有所求屢著肝膽時雖或問問而未加詳焉迨萬曆庚子奉命討播酋以孤軍冒重圍舉家百口入於萬死一生之地恐懼百至雖委身於國聽

docsriver 文川网
入驻商家 古籍书城

在文川网搜索古籍书城 获取更多电子书

命於天而未嘗不有禱於

三寶禱即應應即審事非影響加之與
關侯通於夢寐播首授首多賴神助余於
是不惟於報應之道加詳而於生平所尚
名理益著近奉

旨歸養乃捨宅建忠孝寺皆所以報

國恩答神貺以彰至理之不誣也吾兒孔
延孔太孔陵皆與余同茹荼甘昭格見聞

故於此道恪遵庭訓陵兒以今歲壬子將
試於留都乃先渡錢唐踰鄒嶺覲阿育王
寺真身舍利一入殿堂如善財之升彌勒
樓閣無着之登竹林精舍已禮舍利獲覩
種種詳端宿種旣萌法雨復潤未發者發
已發者長即於塔前發種種誓願施寶龕
一座製以旃檀飾以七寶鏤刻精緻頗奪
人目復施種種供具兼為勸募修葺塔殿

重新先朝御製扁額當是時有祕藏理淨
師為住持理公通名理詣教相勗徒衆藉
焚修莊嚴淨土於是焉賴理公嘗有意於
山志乃持是編以示吾兒吾兒歸復持是
編以進余余念育王寺為天下第一叢林
蓋借重於如來舍利光明自晉太康歷六
朝唐五代宋元至我

皇明萬曆壬子千有三百四十九年其間

靈異事蹟

國朝典故士庶投誠文人翰墨使如國之
有史家之有乘日錄而年編之不啻汗牛
充棟已也乃今觀其所集不過錄之碑碣
抄之藏典僅得十萬餘言至於名公唱和
又皆取實於小師考信於野錄不無亥豕
魚魯之訛余每閱斯文未嘗不置卷太息
因倣侯開府屠儀部普陀山志條以義顯

立以十門門說四偈門門各為一卷譌者
正之缺者補之若高僧則尋傳燈錄補之
以傳刪取機緣為宗門提唱使後之作者
隨類而編入無續集之勞蓋將舍利為如
來衆製為說法余偈為注脚如華嚴塵說
刹說依說正說主伴重重無非華嚴莊嚴
不亦四明三佛地之一盛事乎因為之序
賜進士出身資德大夫正治上卿兵部尚

書兼都察院右副都御史

賜飛魚服奉

詔歸養泰和郭子章撰

刻志畧小引

天啓甲子鄧山道謙上人以郭大司馬父子所
緝新志示我爲帙者五爲卷者十爲版者三百
復有志畧一帙乃從全編抽出使遠遊貧人行
笈易携然取裁微有未當予翻閱久之摘其領
要明顯者視全編得四之一稍正魯魚繕寫授
梓以歸道謙酬夙諾也予欲身未至而覽是編
者洞悉靈異所自始以及古今崇信之槩若夫
名賢著作不能尙載者則有全編在惜向來原

有遺缺如唐道宣律師感通傳言有著作類
胤祖文今無之矣元僧行彌寶塔記言有僧
贊寧敘傳蘇軾樓鑰二記今止存贊寧靈變傳
而敘傳無之止有蘇記而樓記無之靈變傳中
言感通傳有問陸玄暢語今感通傳中竟無之
則感通傳雖存非全文矣尚望緇素中好古有
心人廣披散失而在者安可復使零落慎無樂
簡畧而蠹蝕全編以負郭氏父子道謙及其後
人勉之

爾菴居士當湖陸基志識

阿育王所造

釋迦如來真身舍利闍塔



志畧目錄

上卷

志分十門傷

郭子章

舍利寶塔傳

元悟光

古今造建緣起

天台傳燈

靈鰻菩薩傳

宋贊寧

古今瑞應

右 上卷所載不敘撰人世次惟欲事跡了然首列郭大司馬十傷者存其緝慈之義例也靈鰻傳是宋人文而列於後者以塔先之也

下卷

常住田碑

唐萬齊融

附碑後記

唐于季友

宸奎閣記

宋蘇軾

妙喜泉銘

宋張九成

附偈 銘

宋宗杲

廣利禪寺碑銘

宋濂

重建塔殿募緣序

陸光祖

重修寺募緣疏

屠隆

docsriver 文川网
入驻商家 古籍书城

在文川网搜索古籍书城 获取更多电子书

重修大殿募緣疏

高萃

重修大殿募緣序

楊德政

重修塔殿募緣疏

沈一貫

秘藏理法師任持序

沈泰鴻

瞻禮塔記

徐如翰

右下卷所載古今名賢撰著以世次爲
 敘唐文冠之次及於宋以及
 國朝之文宋文憲公碑序與上卷寶塔傳
 雖似重複然不可遺文憲而後所載近
 時萬曆年
 間者稍備

平湖縣德藏寺琅函閣僧悟玄祖慈印度積糸衣鉢微費
阿育王山志畧願

先世本師瑞菴昌公仰菴定公怡菴虛公俱仗

佛慈光明朗照脫離塵緣超登覺岸又願

先世檀越大司寇陸胥峰公冢宰陸莊簡公學憲陸湛菴公普
提種子生生相續貽厥後裔永作金湯

昭慶寺釋如沚助銀叁錢 傳心堂釋在智助銀伍錢

陸基志室人沈氏助錢伍百文

朱懋績沈廷言吳天民沈結帽吳德耀德輝各助銀壹錢

題明州阿育王山舍利塔志

梵語舍利羅。此云身骨。惟我

世尊於曠大劫。以金剛心薰修金剛三昧。

直至成佛。曾無異念。故變緣生五蘊幻身。

成金剛體。即如來法身。常住不壞。永無生

滅。佛十身中有力持身。此其一也。是以

如來應現娑婆。示生迦維。說法四十九年。

化緣已畢。於拘尸羅城娑羅林雙樹間入

大涅槃時彼國王如法荼毘得舍利八斛
分為三分天上人間龍宮各起塔供養而
人間八國分之摩伽陀國阿闍世王得其
一分有八萬四千顆至阿育王有大神力
能役鬼神乃碎七寶末造八萬四千塔遍
散四洲而南閩浮提為身教地故塔居多
其來震旦者一十有九唯金陵長干與明
州鄞山顯赫最著予幼出家長干屢觀光

瑞種種不可名言。雖未至明州。蚤聞感應之徵。今見理公所寄育王山志讀之感而嘆曰。此我本師現在世間說法處也。夫舍利者何。乃一真法界。常住真心。廣大光明之體也。諸佛證之為清淨法身。菩薩修之為金剛心地。衆生迷之為阿賴耶識。其不壞者為佛性種子。名佛知見。以其衆生本具。故佛出世特為開示。使其悟入。祖師

西來指之為心印。是知衆生與佛無二無別。第染淨熏變之不同耳。以衆生無明業力。念念薰蒸。故感四大五蘊腥臊臭穢不淨無常敗壞之身。其不壞者。為輪迴業果。歷劫不忘。菩薩以之為定慧薰習。得意生身。調伏衆生淨佛國土。其不壞者。微妙功德。成就莊嚴。唯佛證之。為清淨法身。常住寂光身土不二。其現大身。則無量光明相。

好居華嚴莊嚴名實報身其現小化則丈
六金身示生人間與民同患而衆生見者
但見緣生之佛不見法身真體將顯法化
無二無常即常故入般涅槃而留舍利攝
受衆生名力持身以示金剛不壞法身常
住世間本無生滅去來之相故所現光相
種種瑞應不可思議隨衆生心感而應現
者即法身應機說法以離言三昧直指衆

生本有佛性。欲令見者當下了悟自心。頓見法身不生滅性。此與靈山踞座。末後拈花。有何異哉。故佛出世說法四十九年。無非指示此一大事。而於法華一會。開示眾生佛之知見。以此知見即法身慧命。故云此經在處。應以七寶起塔。况佛知見又為文字所障。至若諸祖直捷示人。而形於棒喝。譏呵怒罵之間。而人又以機鋒目之。將

謂別有玄妙。故悟之者希。今者親見法身。如來覲面。為說不生滅法。而人不悟。諸已繫以光明瑞相視之。誠謂當面錯過矣。可不哀哉。且而人也。沉淪多劫。流轉生死。今者何幸。何緣一遇。希有難遭之事。猶自迷頭認影。豈不有負真慈。自昧本有。可不為之大哀歟。昔佛於法華會上。自說法身壽量。常住不滅。比但托之空言。未有若此見。

諸行事之深切著明者也。惟普賢以十大願顯示法身。乃曰請佛住世。勸轉法輪。常隨佛學。之三者義昭於此。初僧會至長干。吳主孫權命求舍利。期以七日。不應。展三七日。中夜猶不應。會稽首而哀請曰。佛以慈悲為心。苟不應。則使此方衆生斷滅佛種矣。於是痛舉佛號三稱。遍身毛孔血汗迸灑。即聽瓶中鏗然有聲。光燭天地。啓之。

則舍利宛在瓶中矣。劉薩訶身陷地獄。將無出期。乃聽梵僧指求舍利為懺罪地。故感寶塔從地湧出。是知康為人。劉為己。均皆普賢勸請之意也。若夫種種莊嚴供養守護讚歎者。豈非常隨佛學者歟。且也佛性之在衆生。固其迷矣。若夫般若光明。當然而不昧者。發於行事。若世之忠臣孝子。志士仁人。凡所施作。致君澤民。而為不朽。

之事業者。豈非法身所流衍乎。其歷代
帝王崇奉興隆者。詎非法王之利見乎。總
之無一衆生而不具有此性。故見聞隨喜。
禮拜供養者。無異親承接足。即布身命盡
所有。竭內外施而為莊嚴。特為自性受用
地耳。若夫一觀舍利。頓破無明。了悟法身。
長揖生死。永出迷途者。是在上根利智夙
具。聞薰緣熟於當下者。不無其人也。由是

docsriver 文川网
入驻商家 古籍书城

在文川网搜索古籍书城 获取更多电子书

觀之。累代王臣。興建於前。太宰陸公。相國沈公。重興於昔。司馬郭公。及諸公子。再振于今。且托法身於毛端。三昧以見不朽。是又皆普賢願輪所持也。鄮山住持理公。豈佛稱空生身子為長老乎。予自信靈山一會儼在目前。說法音聲熾然無間者也。故特書此以告見聞。隨喜禮拜供養者。不得以色相求之也。

是所
丁
二
丁

明萬曆四十七年歲次己未佛降生日
山五乳法雲寺憨山沙門釋德清撰

當湖盛世珠書